

壹

全 生 集

	丑 12
	4
	共 4 册



葉天士先生

陶節菴先生著

傷寒全生集

本衛藏版



南京中医药大学图书馆版权所有

原序

醫之爲道何道也曰君子之道也苟非存心有恆者
可輕議哉何則夫藥之性能生人亦能殺人蓋操之
不得其要則反生爲殺矣惟君子則立心不苟故其
爲業必精及其臨病必詳以審故能化悲痛爲歡忻
小人之性忍以貪貪則惟利是圖忍則輕忽視人命
逮及臨病則誇以略不察病之虛實輒投瞋眩之藥
不殺人也幾希吾固爲君子之道也予晚年得子方
逾弱冠柔軟多病習懶不能自強必非能受此道者

日夜痛心懼夫吾歿之後有病委之庸醫足可以傷
生滅性孟子云不孝有三無後爲大有子多病不傳
以濟生之道一旦天札祖宗之祀事絕矣豈爲人父
之道哉某今年七十有七衰邁殊甚桑榆之日豈能
久照日夜用心以緝成傷寒明理續編論法雖略備
非有師承口訣不能融會貫通于心又著全生集一
卷文雖鄙俚然言簡意到其中包括仲景不傳之妙
皆世所未嘗聞見剖露肺肝以罄其蘊奧實升高之
梯階當寶之如珠玉潛心玩繹搜索以盡厥旨有疑

輒問不可因循務期日進高遠司馬溫公曰達則爲
良相不達則爲良醫豈非君子之道乎汝宜服膺此
訓敬慎而行之他日倘能以斯道濟人亦君子也若
存心不古以吾言爲妄謬反以斯道殺人負吾之
心非吾之子也

正統十年己丑中元日餘杭節庵道人陶華題

劉序

人之受病傷寒爲最繁劇而生死在於呼吸自仲景
先生辨其陰陽內外虛實強弱寒暑燥濕風邪
之來而製爲攻裏散表吐汗補瀉之劑後之大家從
其旨而發明其奧者各有妙悟真詮及讀節菴陶先
生所著全生一書更詳其受源晰其變傳格其陰陽
腑臟例其虛實後先以及旁感餘傷分門別類散而
爲數百十條使後之醫者察其端就其緒不至有
毫末之混初讀之似有異於仲景先生之論細按之

則無不貫其旨而極其微實爲活人之金丹也惜坊
刻不明其道不能標其要而會其歸初學者卽熟讀
是書亦恐順口滑過不徹其秘其能濟人也鮮矣
故挈源指流爲之點次爲之評釋其重大關要之旨
細密精微之蘊各加補說以聯絡其旨趨欲使學者
直窮其止境而操乎神明之妙道焉敢云精深自信
聊以助先生憫世之苦心云爾

乾隆四十七年歲次壬寅仲秋上浣山陰後學劉大
化字參氏書於娜嬛書屋

原凡例

一傷寒一證。傳變不測。死生反掌。非雜病比。故另立一科。使學者得專精其術。庶不致于天枉之害矣。

一是書首列總論。及六經標本。表裏陰陽。寒熱虛實。正傷寒。溫熱病。真陰證。類傷寒。陰陽相似。合病併病。風溫瘧瘧。疫厲天行。次列發熱惡寒。細證等類。不下數十百條。分而合。合而分。其于此證。曲盡病情之變化。正如繇門徑而躋堂奧。自

粗淺而入精微。學者潛心討究。自能應手而得。
一仲景爲傷寒立法之祖。第其論出古典。不便今
人誦讀。茲集廼援其意義。彙括成文。俾學者口
誦心惟。無慮記憶之患也。

一是書辨一證。則立一方。一方之中。出入加減。更
察其病情變態。臨證用藥。便能奏效非常。

一針灸之法。頗有愈病之功。且助湯藥所不及。集
中每每收錄。學者當臨病制宜。不可視爲泛泛
矣。

凡例

一是本乃

余

家塾舊本五世祖紫帆公高祖陽生

公會祖天士公伯祖又凡公各隨筆評點中惟

曾祖手筆十居八九故專屬焉

一凡評點詳或甚詳略或太略有淺顯易明者有

深微難曉者○、△□丨×∟之類悉仍其舊

不敢妄爲增減間有可疑註於上方惟冀當世

高明是正

一每篇題上圈點其有無多少意是標明緊要以

分所讀之緩急非有去取也亦悉仍之

一是書有山陰劉宇參先生所刻評本行世距余曾祖歿後三十餘年其評註精詳圈點明晰余具婆心深足嘉惠後學故其旁註今悉載入以劉云別之其所同者刪繁就簡非掠美也圈點則但從家塾本欲其醒目故不兩載

一今刻評語竝錄上方其有逐句詮釋必須旁註乃明者亦卽旁註無劉云字爲別或遇劉註亦在是處詳視劉之文義何屬苟可不必旁註則

移之上方仍加劉云字別之不能一例

一原本未載之方照家塾本補載其評增經驗之方亦爲載入非敢亂原本舊文蓋此書本以濟世秘而不宣失其旨矣例應載於上方恐藥味字細久而漫漶不可意會或有悞耳

一今刻俱照家藏舊本較世所行劉刻有異唯其是而已未詳則從劉本仍載舊本字句於上方
一先曾祖及門頗盛唯朱氏心傳顧氏景文張氏亮揆吳氏厚存從遊最久於是書皆嘗手校與

有功焉故備列其名

一是本雖藏家塾手澤徒存校對烏能精審

鍾

孝存兄余世講也家學淵源實本於

余

曾祖遇

庭時備聞其尊人緒論故校讐之事悉與商訂

曾孫鍾紹康謹識

陶節菴傷寒全生集卷一目錄

傷寒總難提綱第一

辯正傷寒溫病熱症論第二

辯傷寒傷風中寒不同論第三

辯傷寒審證問因察形正名總論第四

辯治傷寒傳經證治脉要指法第五

辯持脉手法例第六

辯論浮脉形狀指法主病例第七

辯中脉形狀指法主病第八



論沉脉形狀指法主病第九

辯內外傷證治不同論第十

傷寒太陽脉似少陰少陰證似太陽用藥不同第十一

傷寒陰證身熱面赤認作陽證誤治論第十二

傷寒合併病論第十三

傷寒兩感誤治論第十四

傷寒寒熱二厥論第十五

傷寒統論第十六

傷寒標本論第十七



北京中医药大学图书馆藏

傷寒傳足不傳手經論第十八

三陰無傳經論第十九

治傷寒症病所察病人色法第二十

治傷寒症病所察病人聲法第二十一

治傷寒症病所察病人形法第二十二

治傷寒症病所察病人鼻法第二十三

治傷寒症病所察病人口唇齒牙第二十四

傷寒症病所察病人耳法第二十五

傷寒症病所看病人目法第二十六



傷寒症病所察病人舌法第二十七

治傷寒症病所按病人心胸有無痛處法第二十八

治傷寒症病所問病人大小便通利法第二十九

治傷寒症病所問其渴與不渴法第三十

治傷寒諸禁忌法第三十一

足太陽經見證治例第三十二

足陽明經見證治例第三十三

足少陽經見證治例第三十四

足太陰經見證治例第三十五

